

京外 命臺諫刑曹鞫問誅之○庚辰大雨○辛巳夜東西方有赤氣○上命以江陵道米六百石施于臺山金剛山諸蘭暑○奉化伯鄭道傳言於上曰屢下教旨各舉孝子順孫公廩之士以聞而不即叙用難以勸後願於京外叙用○壬午夜雷○命都堂放還外方品官○癸未始有冬令○丙戌刑曹絞藥師奴王氏之孽也○丁亥夜乾方有白氣○戊子以柳濬為特進輔國崇祿大夫高興伯柳觀為左散騎常侍○奴婢辨定都監請將已決折文籍隨即燒毀上曰若決折明正則可矣不然必有冤枉使司更考決折是非又擇可燒毀文籍以聞○辛卯霧○癸巳木星入輿鬼○講武于楊州牧場○追謚前朝侍中柳濯忠靖公○韋龍山江觀兵船○甲午以趙浚兼判義興三軍府事金士衡兼判司憲府事金師韋為輸忠輔理功臣判敬興府事同判都評議使司事○乙未以門下侍郎贊成事崔永趾為西北面都安撫察理使○丙申千秋使柳灝打角夫崔浩賁禮部尚書鄭沂書以來其書曰前者為本國進賀表箋